

NAJČEŠĆE POSTAVLJANA PITANJA PO JAVNOM POZIVU

1.

Pitanje:

U procesu sam kupovine Mild hibrida, koji koristi motor sa unutarnjim sagorijevanjem i elektro-motor te emisije CO₂ ne prelaze iznos od 130 g/km. Zanima me je li moguće ostvariti subvencije za ovakav tip vozila?

Odgovor:

Nije moguće ostvariti subvenciju.

Programom je definisano da će se subvencije dodjeljivati za vozila koja imaju isključivo električni pogon kao i dvije vrste hibridnih vozila (plug-in i full hybrid), sa definisanim količinama emisije CO₂.

Poticaji za druge vrste hibrida nisu predviđeni ovim Programom.

Iako tip vozila koje namjeravate kupiti, ne prelazi emisiju CO₂ od 130 g/km, što je prema tehničkim uslovima maksimalni dozvoljeni iznos, ali za full hybrid vozila, što je prvi uslov koji moramo ispoštovati.

2.

Pitanje:

Invalid sam 80% i na osnovu carinskog zakona korisnik sam povlastica – oslobađanje plaćanje carine za uvoz vozila. Da li mogu podnijeti zahtjev i biti korisnik subvencije (obzirom na izjavu kojom tvrdim da nisam korisnik subvencije iz Budžeta Federacije BiH)?

Odgovor:

Možete podnijeti zahtjev.

Povlastica koju ste ostvarili na osnovu carinskog zakona neće uticati na dodjelju poticaja za kupovinu električnih i hibridnih vozila, ukoliko ispunjavate uslove predviđene Programom i Javnim pozivom

3.

Pitanje:

Kupila sam korišteno električno vozilo staro dvije godine. Imam li pravo na poticaj?

Odgovor:

Nemate pravo na subvenciju.

Programom i Javnim pozivom definisano da će se poticaj dodjeljivati isključivo za nova vozila

4.

Pitanje:

Kupio bih električni automobil na lizing, a on podrazumjeva da vozilo neće biti u mom vlasništvu i registrovano na mene za vrijeme trajanja lizinga. Imam li pravo biti korisnik subvencije?

Odgovor:

Nemate pravo biti korisnik subvencije.

Programom i javnim pozivom definisano je da korisnik poticaja može biti isključivo fizičko lice - vlasnik vozila sa prvom registracijom vozila na ime vlasnika (fizičko lice) u 2022. godini

5.

Pitanje:

Na kojem linku je moguće naći Javni poziv za poticaj za kupovinu električnog vozila ili hibridnog?

Te kako se mogu informisati koja je potrebna dokumentacija i gdje se i u kojoj formi predaje?

Odgovor:

Sve informacije vezano za poticaj za kupovinu električnog ili hibridnog vozila možete naći na web stranici Federalnog ministarstva energije, rudarstva i industrije:

<https://fmeri.gov.ba/javni-pozivi/ostali-pozivi/javni-poziv-poticaj-pojedincima-pri-kupovini-elektri%C4%8Dnih-automobila/>

za dodatne informacije možete kontaktirati broj: 036 513 806 ili na mail: sektor.industrije@fmeri.gov.ba

6.

Pitanje:

Da li se Testno vozilo smatra novim vozilom?

Odgovor:

Ako je Testno vozilo u trenutku kupovine bilo registrovano ne smatra se novim vozilom. Programom i Javnim pozivom definisano je da se subvencije dodjeljuju samo za nova vozila tj. vozila koja nikada i nigdje ranije nisu bila registrovana.

Ako testno vozilo do trenutka kupovine nije bilo registrovano u federalnom MUP-u na drugog korisnika (fizičko ili pravno lice), smatra se novim vozilom.

Ukoliko je vozilo u trenutku kupovine već bilo registrovano na drugo pravno ili fizičko lice, bez obzira u koje namjene je bilo korišteno, takvo vozilo se smatra korištenim. Subvencije se dodjeljuju samo za vozila u vlasništvu fizičkog lica, registrovana u 2022. godini i da je ta prva registracija na ime vlasnika – fizičkog lica.

7.

Pitanje:

Zadovoljni sam vlasnik automobila na hibridni pogon, tzv. "full hybrid", a kojeg sam nabavio u Bosni i Hercegovini krajem 2019.godine.

Interesuje me da li se nedavno raspisani Poziv Ministarstva odnosi na mene, t.j. da li mogu dobiti pomenuti poticaj?

Odgovor:

Ne možete ostvariti pravo na subvenciju.

Ako ste Vaš automobil registrovali u periodu prije 01.01.2022. godine, ne možete ostvariti pravo na poticaj, budući da su finansijska sredstva predviđena Budžetom Federacije BiH za 2022. godinu. U skladu s tim, Programom je definisano da će se subvencije dodjeljivati samo za električna i dvije vrste hibridnih vozila registrovanih u Federaciji BiH u 2022. godini.

